

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

- प्रधानमंत्री नरेंद्र मोदी होरें आखेआ ऐ जे वेक्स छड़ा इक्क संक्षिप्त शब्द गै नेई सगुआं एहू संस्कृति, रचनात्मकता ते वैश्विक राबतें दी इक्क लैहर ऐ।
- राश्ट्री जांच एजेंसी-एन.आई.ए दे महानिदेशक सदानंद दाते होर पहलगाम आतंकी हमले दी जांच दे सिलसिले च अज्ज पहलगाम पुज्जे।
- सर्वोच्च अदालतै पहलगाम च हाल च होए दे आतंकवादी हमले दी जांच लेई दायर इक्क जनहित याचिका पर सुनवाई थमां नांS करी दिती ऐ।
- पाकिस्तानी बलें जंदी उप्परोतली 7मीं रातीं जम्मू-कश्मीर च कब्जा रेखा पर बिजन भड़कावे दे गोलीबारी कीती, जेदा भारतीय बलें बनकदा परता दिता।
- अज्ज श्रमिकें सरबंधी अंतरराश्ट्री ध्याड़ा मनाया जा'रदा ऐ। कैबिनेट मंत्री जावेद अहमद डार होरें इस ध्याड़े पर सब्भनें श्रमिकें गी मुबारकवाद दिती ऐ।

<><><><><><>

PM-Waves

प्रधानमंत्री नरेंद्र मोदी होरें अज्ज मुम्बई दे जियो वर्ल्ड कन्वेंशन सेंटर च विश्व ऑडियो विजुअल मनोरंजन शिखर सम्मेलन-वेक्स 2025 दा उद्घाटन कीता। इस मौके पर बोलदे होई श्री मोदी होरें आखेआ जे वेक्स छड़ा इक्क संक्षिप्त शब्द गै नेई ऐ सगुआं एहू संस्कृति, रचनात्मकता ते वैश्विक राबतें दी इक्क लैहर ऐ।

प्रधानमंत्री मोदी होरें आखेआ जे 'वेक्स शिखर सम्मेलन' आलमी मंच उप्पर भारत दी रचनात्मक ताकत गी दर्शांदा ऐ। उनें आखेआ जे अज्ज भारत फिल्म निर्माण, डिजिटल कन्टेंट, गेमिंग, फैशन, संगीत ते लाइव कन्सर्टस लेई आलमी सतह दे इक्क गढ़ दे तौर पर उभरियै सामने आवा'रदा ऐ। उनें आखेआ जे विकसित भारत लेई जात्तरा अजें मसां शुरू होई ऐ।

<><><><><><>

NIA

राश्ट्री जांच एजेंसी-एन.आई.ए दे महानिदेशक सदानंद दाते होर पहलगाम आतंकी हमले दी जांच दे सिलसिले च अज्ज पहलगाम पुज्जे। ध्यानजोग ऐ जे जंदी 22 अप्रैल गी पहलगाम च होए दे हमले च 26 लोकें दी मौत होई गेई ही जिंदे च 25 सैलानी ते 1 मकामी बसनीक शामिल हा। मेद ऐ जे एनआईए आसेआ हमले आहली थाहरै पर व्यापक जांच करियै फोरेंसिक सबूत किट्टे कीते जाडन जिंदे राहें कसूरवारें दी शिनाख्त च मदाद थ्होग। तोआई, जम्मू-कश्मीर च आतंकवादी नेटवर्क दा समूलचा नास करने ते आतंकवादिएं दे भैडे मन्सूबें गी नाकाम बनाने दे मकसद कन्नै सुरक्षाबलें आसेआ समूलचे प्रदेश च सुरक्षा बवस्था निगगर करी दिती गेई ऐ।

<><><><><><>

SC-Pahalgam PIL

सर्वोच्च अदालतै पहलगाम च हाल च होए दे आतंकवादी हमले दी जांच लेई दायर इक्क जनहित याचिका पर सुनवाई थमां नांS करी दिती ऐ। अदालतै चेतावनी दिती ऐ जे इस चाल्ली दी गैंS नेय महत्वपूर्ण समें पर थेआरबंद बलें दा मनोबल घट्ट करी सकदी ऐ। सुप्रीम कोर्ट नै इब्बी आखेआ ऐ जे इस चाल्ली दी याचिका दायर करने थमां पैहले इस मामले दी संवेदनशीलता गी ध्यानै च रखना चाहिदा हा। अदालतै याचिका दायर करने आहले गी एह याचिका वापस लैने लेई आखेआ। जम्मू-कश्मीर दे त्रै बसनीकें आसेआ दायर कीती गेदी एह याचिका मगरा वापस लेई लैती गेई ऐ।

<><><><><><>

पहलगाम आतंकी हमले गी दिक्खदे होई भारत ते पाकिस्तान एयरस्पेस लेई अपना ब्हाई क्षेत्र बंद करी दित्ता ऐ। ब्हाई क्षेत्र बंद होने दा कम्म 23 मई तगर लागू होगा। नागरिक हवाबाजी मंत्रालय नै दस्सेआ ऐ जे इस दरान पाकिस्तान च पंजीकृत जहाजें, पाकिस्तान एयर लाइंस जां फौजी जहाजें सनें संचालकें आस्सेआ चलाए जा'रदे स्वामित्व आले जां पट्टे उप्पर लैते गेदे जहाजें लेई भारतीय ब्हाई क्षेत्र उपलब्ध नेई ऐ। पाकिस्तान एयर लाइंस गी भारतीस ब्हाई क्षेत्र दा इस्तेमाल करने पर रोक लाई गई ऐ।

<><><><><><>

Road-Safety

किश्तवाड़ दे डिप्टी कमिशनर राजेश कुमार शवन हुंदी प्रधानता च अज्ज जिला शिड़क सुरक्षा कमेटी दी इक्क मीटिंग लग्गी जेदे च जिले च शिड़क सुरक्षा उपाएं दी मौजूदा स्थिति ते प्रगति दा जायजा लैता गेआ। इस मौके डी.सी.होरे ए.आर.टी.ओ किश्तवाड़, डी.टी.आई. किश्तवाड़ ते पुलस प्रशासन गी आपसी तालमेल बनाइये 24 घंटे कम्म करने आहले नियंत्रण कक्ष खडेरने दे निर्देश जारी कीते। शिड़क हादसे बारै चैंता प्रगट करदे होई डी.सी.होरे मुतल्लका नोडल एजेंसिएं गी गलाया जे ओहू गड्डियें दे कागजें-पत्रें दी पूरी जांच करने, मती रफ्तार च गड्डी नेई चलाने ते शिड़क सरबंधी नियम-कायदें दी सखती कन्नै पालमा करने गी यकीनी बनान।

<><><><><><>

Ceasefire-Violation

पाकिस्तानी बलें जंदी उप्परोतली 7मीं रातीं जम्मू-कश्मीर च कब्जा रेखा पर बिजन भड़कावे दे गोलीबारी कीती। रक्षा सूत्तरें मूजब पाकिस्तान आसेआ लौहके थेहारें कन्नै कीती गेदी गोलीबारी दा भारती बलें असरदार ढंगे'नै परता दित्ता। हासल जानकारी मूजब पाकिस्तानी बलें कुपवाड़ा, उड़ी ते अखनूर सैक्टरें च कब्जा रेखा दे इस पार आहले इलाकें पर लौहके थेआरें कन्नै बिजन इश्तेयाल दे गोलीबारी कीती। सौहगे भारती जवानें इस गोलीबारी दा बनकदा परता दित्ता।

<><><><><><>

Dar-Labour Day

राई-बाई ते ग्रामीण विकास विभाग दे मंत्री जावेद अहमद डार होरें अंतरराष्ट्री श्रम दिवस दे मौके उप्पर मजदूर वर्ग गी मुबारकबाद दित्ती। मंत्री होरें इस मौके उप्पर मजदूरें आसेआ देश दे विकास च उन्दे अनमूले योगदान दी सराहना कीती। उनें गलाया जे सरकारै मजदूर वर्ग दे कल्याण दे विकास दी पक्क ध्याई दी ऐ। मंत्री होरें मजदूर वर्ग दे अधिकारें दी राक्खी करने ते उन्दे जीवन स्तर गी उबड़ा चुक्कने दी गल्ला पर बी जोर पाया। उनें गलाया जे सरकार मजदूर वर्ग दी सुरक्षा ते उन्दे पूरे-पराते विकास लेई सब्बे लोड़चदे गैं पुट्टोग।

<><><><><><>

Samba Labour Day

साम्बा च सहायक श्रम आयुक्त हुंदे दफ्तरै पास्सेआ आयोजित इक्क खास समारोह दे कन्नै कंधारी वैबरेजज़ साम्बा आसेआ अज्ज मजदूर दिवस मनाया गेआ। कार्जक्रम दौरान कम्मगारें दी निष्ठा ते मेहनत दा सम्मान करदे होई साम्बा दे डिप्टी कमिशनर राजेश शर्मा ते अतिरिक्त जिला विकास कमिशनर चम्पा ठाकुर होरें कर्मचारियें गी सम्मानित कीता। इस मौके पर आयुष विभाग आसेआ श्रम विभाग दे सहयोग कन्नै इक्क मुफ्त मेडिकल कैंप दा आयोजन बी कीताग गेआ। इस बारै च मीडिया कन्नै गल्लबात करदे होई साम्बा दे डिप्टी कमिशनर राजेश शर्मा होरें आखेआ.....

<><><><><><>

Poonch-Labour

अंतरराष्ट्रीय श्रम दिवस दे मौके उप्पर अजज पुंछ दे रम विभाग आसेआ बफलियाज दे परनाई पनबिजली परियोजना आहली थाहर च इक्क विशेष जागृति कार्जक्रम दा सरिस्ता कीता गेआ जेदे च मजदूरें दे अधिकारें-इखितयारें बारै जानकारी दित्ती गेई। कार्जक्रम दा उद्देश्य मजदूरें गी उन्दे लेई बनाए गेदे बक्ख-बक्ख कनूनें, कल्याणकारी स्कीमें बारै तफसीली जानकारी देना हा। एहदे बारै साहडे संवाददाता कन्नै गल्ल करदे होई पुंछ दे असिस्टेंट लेबर कमिशनर मोहम्मद आरिफ होरें गलाया।

<><><><><><>

Doda Labour

डोडा च बी अज्ज अंतरराश्ट्रीय श्रम दिवस दे मौके पर टाउन हॉल च इक कार्यक्रम दौरान मजदूरें गी सम्मानित कीता गेआ। प्रोग्राम च 36 थमां मते मजदूरें सने गैर मुकामी मजदूरें हिस्सा लैता। कार्यक्रम दी प्रधानता डोडा दे डिप्टी कमिशनर हरविंद्र सिंह होरें कीती जेदे च मुतल्लका विभाग दे अधिकारियें हिस्सा लैता। इस दौरान विभाग दे माहिरें मजदूरें गी बक्ख-बक्ख कल्याणकारी स्कीमें ते दुइयें जानकारियें बारै जानकार कीता गेआ। एहदे बारै गल्ल करदे होई डी.सी डोडा हरविंद्र सिंह होरें आखेआ।

<><><><><><>